



MOPHATO

2

BUKA YA  
MORUTWANA

# Platinum

Dikgono tsa Botshelo

T. Barnard • C. De Vries • S. Adams • L. Shaw • C. Gleeson-Baird

Platinum Dikgono tsa Botshelo Mophato wa 2 Buka ya Morutwana

Maskew Miller Learning  
10 Freedom Way, Milnerton, Cape Town, 7441

© Maskew Miller Learning (Pty) Ltd 2025

Ditokelo tsotlhe di sireleditswe. Ga go karolo ya kgatiso e, e e ka boelediawang, ya bolokwa mo mofuteng o o ka tlhagiswang gape ka ona, kgotsa ya gaswa mo sebopegong sengwe le sengwe kgotsa ka mokgwa o o rileng (eleketeroniki, ka motšhine, ka kgatiso kgotsa ka mokgwa o mongwe o o sa dumeletsegeng) ntle le gore go bonwe tumelano e e kwadilweng fa fatshe ya mong wa ditshiamelo tse di sireleditsweng tsa bokwadi pele.

Fa o batla go rebolelwa tetla ya go ka gatisa lekgetlo le lengwe gape kgotsa go dirisa karolo nngwe le nngwe ya buka eno, o kopiwa gore o ikgolaganye le Setlhopho se se rebolelanang ka Ditshwanelo le Tetla mo go 021 532 6000 kgotsa ka go romela imeile mo go rightsgranting@mml.co.za. Go begela tshenyo ya ditshwanelo tsa mokwadi, tsweetswee romela imeili go copyright@mml.co.za.

Kgatiso ya 1 ka 2025

ISBN 978-1-779-83506-2

EPDF ISBN 978-1-834-98633-3

Mophasalatsi Anusia Naicker-David  
Morulaganyimogolo Ru Bailey  
E rulagantswe ke Fortunate Moholoagae  
Mothalo wa bokwantle ka MML Visual Design  
Botaki jwa bokwantle ka Cover artwork by  
Mothalo wa buka ka MML Visual Design  
Botaki ka Chamique Johnson, MML Visual Design, Danielle Albertyn, Dolph Banza, Angie Bowring, Stellah Irungu, Bennie Kruger, Ronell Lareman, Patrick Latimer, Amos Ndingo, Lauriane Neave, Lindsey van Heerden & Bev Victor  
Thulaganyo ya mokwalo ka Olivia Brink  
E gatisitswe ke

### Ditebogo

Bakwadi le bagatso ba lebogela go dirisa ditshwantsho:

p2, happylark/123RF; p3a, anaumenko/123RF; p3b, rastkobelic/123RF; p3c, marctran/123RF; p7b, olyasolodenko/123RF; p20d, prostooleh/123RF; 83a, Stuart Boulton/Alamy Stock Photo; p86a-b, grgroup/123RF; p151b, ruslan/123RF; p155, Chronicle/Alamy Stock Photo; p166a, vanreeell/123RF; p166b, djvstock/123RF

### Shutterstock:

p20b, santyan; p20c, Halfpoint; p21, New Africa; p24a, Motortion Films; p24b, didesign021; p24c, Roman Chazov; p24d, Halfpoint; p28, Colorfuel Studio; 29a, Teguh Mujiono; 29b, Colorfuel Studio; p30, THP Creative; p34a, Spreadthesign; 34b, sciencepics; p37a, Aonprom Photo; p37b, Cullen Macias; p37c, s.r graphics; p42, Milya Shaykh; p46a, kapichka; p46c, WESTOCK PRODUCTIONS; p46d, wavebreakmedia; p52a, THMorningMonday; p52b, Aninka Bongers-Sutherland; p52c, star designer; p52d, baibaz; p53a, Audrius Merfeldas; p53b, Casther; 53c, gorillaimages; p54, Kazakova Maryia; p55a, Serenity Images23; p55b, Terelyuk; p55c, PJ photography; p55d, Donna Bollenbach; p56a, patjo; p56b, Saley Yanny; 60a, acceptphoto; 60b, Animafloora PicsStock; 60c, Ramon Cliff; p60d, Courtney Jenckes; p60e, Emile E Wendling; p62a, Anna Hoychuk; p62b, New Africa; p62c, Nitr; p63a, VLADIMIR VK; p63b, Sergey Moskvitin; p63c, Loren Maring; p64, Volodymyr Burdiak; p66a, MPH Photos; p66b, Artush; p67, Jordan\_Abroad; p72, puyalroyo; p78a, Benerys; p78b, Martin Blazicek; p78c, Oleksandr Smushko; p78d, nicemyphoto; p78e, Ryan Bemben; p78f, Vladimir Turkenich; p79a, Hannes Thirion; p79b, Siahay Photo Corner; p79c, Roberto\_Rossi; p80a, Platoo Studios/ ; p80b, Umomos; p80c, EiHeyYee; p80d, Azay photography; p80e, Emaruchi; p82, Zviozdochka; 83b, Olga Listopad; 83c, Marianne Pfeil; p85, Eric Isselee; p86c, Will Power Studio; 91a, Platoo Studios/ ; p91b, Hannes Thirion; p91c, Umomos; p91d, Ryan Bemben; p92, MPH Photos; p96a, imstock; p96b, loesak pakdeeto; p96c, kram-9; p103, kram-9; p107a, Abraham Overvoorde; p107b, Denis Belitsky; p109a, Pedal to the Stock; p109b, Mny-Jhee; 109c, Foto-up; p109d, Aerial-motion; p111a, Waldemar Manfred Seehagen; p111b, artmanul; p111c, Aleksandr Merkushev; p111d, NAN728; p112a, gpointstudio; p112b, freevideophotoagency; p121a, Techzila; p121b, Millionstock; p136, Silver Spiral Arts; p140a, Aoraee; p140b, luma\_art; p146a, Grobler du Preez; p146b, Grobler du Preez; p146c, Jurie Maree; p146d, Serah Polito; p146e, EcoPrint; p151a, H\_Ko; p151c, yana\_vinnikova; p151d, gcafotografia; p151e, New Africa; p156, Andrii\_Malysh; p159a, RS-74 ; p159b, Red Confidential; p159c, La Gorda; p163a, Africa Studio; p163c, Kamonkanok; p163d, diplomedia; p163e, Ground Picture; p171, Alina Machado; p172a, IndianFaces; p172b, New Africa; p172c, Roman Samborskyi; p173, katsuba\_art; p176a, Worraket; p176b, Smit; p176c, tratong; p176d, Veronica Rentoul; p177, TigerStocks; p178a, StockImageFactory.com; p178b, phive; p178c, Indian Food Images; p178d, NIKS ADS;

# O a amogelwa mo Maitemogelong a rona a Thuto

Morutwana yo o rategang,

Re a go amogela mo bukeng eno ya thuto e e kgatlang thata! O tlike go kopana le batsayakarolo ba ba gakgamatsang; fela jaaka fa motsayakarolo mongwe le mongwe a kgethegile ka tsela ya gagwe, le wena o kgethegile fela jalo!



Mo bukeng ya gago ya thuto o tlike go bona dilo tse di latelang, tse di tla go thusang fa o ntse o ithuta le go ribolola dilo tse dintsi thata.

**A re simolole:** Setlhogo sengwe le sengwe se simolola ka tshedimosetso e e botlhokwa ya se o tla bong o ithuta ka sone.

**Nako ya go batlisisa:** Metshameko e e monate e e tla go kgothaletsang go batlisisa dikgopolo tse disha, go ithuta dilo tse dintle le go rarabolola marangrang.

**Mafoko a masha:** Ithute mafoko a masha a a tla go thusang go godisa letlotlo la gago la mafoko.

**A re bone:** Kwa bokhutlong jwa setlhogo sengwe le sengwe, dira ditiro tseno gore o kgone go nna motlotlo ka se o ithutileng sone!

**Tlhatlhobo ya Semmuso:** Seno se tla tlhatlhoba gore o tlogantse go le kana kang dilo tsotlhe tse di ntseng di rutiwa mo kgweditharong eo.

Buka eno ya thuto e tla go kgothaletsa go dira o le mongwe, le ka ditlhopha. Lo tla opela, lo bine lo bo lo ithute mmogo. Tlhomamisa gore o baakanyetsa tlalase nngwe le nngwe o bo o botse morutabana dipotso di le dintsi ka mo o ka kgonang ka gone.

Ipaakanyetse go ithuta, go tshameka le go tlhama le ditsala tsa gago.

Itumelele go ithuta.

# Diteng

## Kgweditharo 1

<b>Setlhogo 1</b>	<b>Dilo tse re di tlhokang go tshela .... 1</b>
	Dijo tse di godisang, tse di nayang maatla le go naya boitekanelo .....2-3
	Goreng re tlhoka metsi? ..... 4
	Mowa o o phepa ..... 5
	Marang a letsatsi ..... 6
	A re bone ..... 7
<b>Setlhogo 2</b>	<b>Nna le ba bangwe ..... 8</b>
	Ke eng se se dirang gore motho a nne tsala e e molemo? .... 10-12
	Batho ba kwa sekolong le kwa gae ..... 13
	Go bontsha tlotlo le go thusa ba bangwe ..... 14-16
	Go kgerisiwa le go itlotla .... 17-18
	A re bone ..... 19
<b>Setlhogo 3</b>	<b>Mongwe le Mongwe o kgethegile ..... 20</b>
	Batho ba tshwana gape batho ga ba tshwane ..... 22-23
	Dilo tse di thusang batho .. 24-25
	Go tlhokomela batho ba ba nang le bogole ..... 26-27
	Nka kgona go nna mogaka ..... 28-30
	A re bone ..... 31
<b>Setlhogo 4</b>	<b>Go Tshela ka Botekanelo ..... 32</b>
	Tsela ya go nna o itekanetse ..... 34-35
	Ke eng se se dirang gore re seka ra itekanela? ..... 36
	Dilo tse di ka re gobatsang ..... 37
	Go sireletsa dijo tse re di jang .38
	Ditsela tse di bonolo tsa go phepafatsa metsi ..... 39-40
	Malatsi a bodumedi le malatsi a boikhutso a a kgethegileng . 41-42
	A re bone ..... 43

<b>Tlathhobo e e Tlhomameng</b>	
<b>Kgweditharo 1</b>	<b>44-45</b>

## Kgweditharo 2

<b>Setlhogo 5</b>	<b>Ditlha ..... 46</b>
	Dipaka tse nné .....48-49
	Kafa dipaka di re amang ka teng .....50-52
	Kafa dipaka di amang dilo tse di golang ka gone ..... 53
	Modikologo wa botshelo wa sejalo sa nawa ..... 54
	Kafa dipaka di amang diphologolo ka gone .....55-56
	A re bone ..... 57
<b>Setlhogo 6</b>	<b>Diphologolo ..... 58</b>
	Diphologolo tsa kwa dipolasing .....60-61
	Go dirisiwa ga diphologolo tsa kwa polasing .....62-63
	Diphologolo tsa naga .....64-65
	Diphologolo tse di iphetolang mebala ..... 66
	Diphologolo tse di mo kotsing ya go nyelediwa .....67-68
	A re bone ..... 69
<b>Setlhogo 7</b>	<b>Dibopiwa tse di nnang mo metsing ..... 70</b>
	Ke eng se se nnang mo metsing a a phepa .....70-74
	Ke eng se se nnang mo metsing a a letswai .....75-76
	A re bone ..... 77
<b>Setlhogo 8</b>	<b>Magae a Diphologolo ..... 78</b>
	Diphologolo tse di dirang magae a tsone .....80-82
	Diphologolo tse di ipatlelang magae .....83-84
	Diphologolo tse di sikarang magae a tsone .....85-88
	Malatsi a bodumedi le malatsi a mangwe a a kgethegileng .89-90
	A re bone ..... 91

<b>Tlathhobo e e Tlhomameng</b>	
<b>Kgweditharo 2</b>	<b>92-93</b>

## Kgweditharo 3

<b>Sethogo 9</b>	<b>Mmu.....94</b>
	Mefuta ya mmu..... 96
	Dibopiwa tse di tshelang mo mmung ..... 97-98
	Mmu o dimela di melang mo go one..... 99-102
	A re bone ..... 103
<b>Sethogo 10</b>	<b>Dipalangwa ..... 104</b>
	Dipalangwa ke eng?..... 106
	Sepalangwa sa seporo. 107-108
	Sepalangwa sa mowa.. 108-110
	Sepalangwa sa metsi... 111-112
	Tiriso ya mefuta e e farologaneng ya dipalangwa..... 113-114
	A re bone ..... 115
<b>Sethogo 11</b>	<b>Polokego ya Tsela..... 116</b>
	Polokego ya tsela ya batsamaya ka dinao..... 118
	Polokego ya tsela ya batsamaya ka dibaesekele... 119
	Polokego ya tsela ya bapagami 120
	Matshwao a tsela a batsamaya ka dinao le batsamaya ka dibaesekele..... 121-122
	Molaola pharakano wa sekolo..... 123
	Borrpharakano ba re thusa jang..... 124-126
	A re bone ..... 127
<b>Sethogo 12</b>	<b>Batho ba ba re thusang..... 128</b>
	Kafa batho ba ba farologaneng ba nthusang ka teng .... 132-133
	Kafa ke kopang tshedimosetso le thuso ka teng ..... 134
	Kafa o ka kopang thuso ka teng fa go na le maemo a tshoganyetso..... 135
	Malatsi a sedumedi le a a kgethegileng ..... 136
	A re bone ..... 137

<b>Kgweditharo 3 Tlhatlhobo e e Tlhomameng.....138-139</b>
--


## Kgweditharo 4

<b>Sethogo 13</b>	<b>Naga ya rona..... 140</b>
	Mmepe wa Aforika
	Borwa..... 142-143
	Folaga ya Aforika Borwa le kwa re ka e bonang teng ... 144
	Pina ya bosetšhaba ya Aforika Borwa..... 145
	Matshwao a bosetšhaba a Aforika Borwa ..... 146
	A re bone..... 147
<b>Sethogo 14</b>	<b>Ditsela tse di farologaneng tsa go buisana ..... 148</b>
	Go buisana ka go bua. 150-154
	Go buisa e le tsela ya go buisana ..... 155-156
	Go dirisa papatso go buisana ..... 157
	Go bona tshedimosetso ka go reetsa ..... 158-162
	Botlhokwa jwa go buisana ..... 163-164
	A re bone..... 165
<b>Sethogo 15</b>	<b>Motshegare le bosigo ..... 166</b>
	Dilo tse ke di dirang bosigo..... 168-171
	Batho ba ba berekang bosigo..... 172-175
	Diphologolo tsa bosigo 176-177
	Malatsi a sedumedi le a mangwe a a kgethegileng .. 178
	A re bone..... 179

<b>Tlhatlhobo e e Tlhomameng Kgweditharo 4..... 180-181</b>
---

<b>Mafoko a masha.....182-185</b>
-----------------------------------


# Setlhogo 1 Dilo tse re di tlhokang go tshela



Setlhogo 1 Dilo tse re di tlhokang go tshela

## A re simolole

1. Ke dijo dife tse o di ratang thata?
2. A dijo tseno ke **tse di nayang dikotla** kgotsa ke **tse di sa neyeng dikotla**?
3. A o rata go tshamekela kwantle?
4. Ke metshameko efe e o ratang go e tshameka?



Mafoko a masha

**nayang dikotla** – dilo tse di dirang gore mebele ya rona e nne e nonofile

**sa neyeng dikotla** – dilo tse di re lwatsang

## Dijo tse di godisang, tse di nayang maatla le dikotla



### Tirwana 1

Sahil o reka dimonamone, ditšhipisi le phae kwa lebenkeleng la sekolo.


Dirang ka ditlhopha tsa batho ba le babedi.

1. Ke eng se se re fang maatla?
2. Ke eng se Sahil a ka se dirang go nna a le mathagatlhaga?
3. Ke eng se se lapisang Sahil?

**mathagatlhaga** – selo se mebele ya rona e se tlhokang go bereka kgotsa go tshameka metshameko

Lefoko le  
lesha



## Tirwana 2



Dira o le esi


Sahil o kgona go sutisa karolo e le nngwe ka nako. O kgona go ya kwa godimo, kafa molemeng, kwa tlase le kafa mojeng. Simolola fa khutlotharong e e serolwana.

Latela sethopho sengwe le sengwe sa metsu mme o bone gore se isa Sahil kwa kae.





## Goreng re tlhoka metsi?

### Tirwana 3



1. Dira lenaane la ditsela tsothle tse Mbali a dirisang metsi ka tsone.
2. Kwala ditsela tse pedi tse re dirisang metsi ka tsone.



### Nako ya go batlisisa

Dirang ka ditlhopha tsa batho ba le babedi.

Metsi a tswa kae?

1. Dirang phousetara e e bontshang mafelo a le mathano a re bonang metsi mo go one.
2. Batlang thuso mo dibukeng le mo inthaneteng.
3. Bolelelang tlelase se lo se ithutileng.

## Mowa o o phepa

Batho ba batla mowa o o phepa gore ba tshele. Fa go se na mowa o o phepa batho ba ka lwala.



### Tirwana 4


Dirang ka ditlhopha tsa batho ba le babedi.

1. Ke eng se se diragalang mo ditshwantshong tseno?
2. Goreng mosimane a itshwere nko?
3. Goreng o tlhoka mowa o o phepa?
4. A o akanya gore dijalo le diphologolo di tlhoka mowa o o phepa? Goreng?

# Marang a letsatsi

Mafoko a masha

**go fisiwa ke letsatsi** – letlalo le le botlhoko le le bakiwang ke go nna nako e telele mo letsatsing  
**sireletsa** – go boloka mongwe a sireletsegile kgotsa sengwe



## Tirwana 5



Dira o le esi.

Leba setshwantsho o bo o bala matshwao.

1. Goreng letsatsi le re siametse?

Simolola polelwana ya gago ka: Letsatsi le re siametse ka gone \_\_\_\_\_.

2. Goreng letsatsi le ka nna kotsi?

Simolola polelwana ya gago ka: Letsatsi le ka nna kotsi fa \_\_\_\_\_.

3. O ka **sireletsa** letlalo la gago jang mo letsatsing?

Simolola polelwana ya gago ka: Ke tshwanetse go sireletsa letlalo la me mo letsatsing ka \_\_\_\_\_.

## A re bone

1. Mo dijong tseno tsa motshegare, ke dife tse di nang le dikotla?



2. Tlhopha lefoko le le siameng mo polelwaneng e e reng:

Re tshwanetse go dirisa (**metsi/sethibela letsatsi**) mo letlalong la rona fa re tswela mo letsatsing.

3. A polelwana eno e **siame** kgotsa ga ya **siama**? Mesi ya koi e thusa diphologolo, dimela le batho go hema mowa o o phepa.
4. Thala setshwantsho sa kafa o dirisang metsi ka teng kwa gae.



# Setlhogo 2 Nna le ba bangwe



## A re simolole

Dirang ka ditlhopha tsa batho ba le babedi.

1. Re ka nna pelonomi jang mo bathong ba bangwe?
2. O ka gomotsa jang tsala ya gago e e utlwileng bothoko?
3. Kwala dilo tse tharo tse o ka di dirang go dira gore ngwana yo mosha mo tlelaseng ya lona a ikutlwe a amogelwa.



## Nako ya go batlisisa

Dira o le esi.

1. O ikutlwa jang fa o thusa ba bangwe?
2. O ikutlwa jang fa ba bangwe ba go thusa?

# Ke eng se se dirang gore motho a nne tsala e e molemo?


## Tirwana 1



Dira o le esi.

Ke **dinonfo** dife tse di dirang gore motho a nne tsala e e molemo?

1. Kwala dinonfo di le nné tse di dirang gore motho a nne tsala e e molemo.
2. Kwala dinonfo di le nné tse di dirang gore o nne tsala e e molemo ya bana ba bangwe.



Mafoko a masha

**dinonfo** – dilo tse di molemo ka motho tse di mo dirang gore a nne yo o kgethegileng

**ditsala** – batho ba ba senyang nako e e rileng ba le mmogo ka gone ba rata dilo tse di tshwanang

## Tirwana 2



Dirang ka ditlhopha tsa batho ba le babedi.

1. Fetsa leboko la botsala ka go kwala dinonofu le ditsibogo tse o akanyang gore ditsala tse di molemo di tshwanetse go nna le tsone. Dirisa mafoko a a mo lebokosong go go thusa.
2. Kwala dinonofu le ditiro tse o akanyang gore ditsala tse di molemo di tshwanetse go nna le tsone kgotsa go di dira. Mafoko a a mo lebokosong a ka go thusa.

### Tsala ya Me

Tsala ya me \_\_\_\_\_ ke motho yo o siameng go gaisa  
(leina la tsala)  
mongwe le mongwe

Ba \_\_\_\_\_, \_\_\_\_\_ ebile ba botlhale.  
(nonofu) (nonofu)

Tsala ya me e reetsa se ke se buang le ene letsatsi le letsatsi.

Go dira gore ke ikutlwe ke \_\_\_\_\_ fa re tshameka.  
(maikutlo)

Ka metlha o batla go \_\_\_\_\_ le go abelana  
(tiro)

Go bontsha gore o a nkgathalela.

A ke buile gore o \_\_\_\_\_ gape  
(nonofu)

Tsala ya me e e molemo le wena.

**Dinonofu:** go ikanyega, go jesa monate, bopelontle, bopelotelele, go tlhaloganya, go amogela, go kgathalela

**Maikutlo:** itumetse, ratiwa

**Ditiro:** bua, reetsa, tshameka, thusa

### Tirwana 3



Leba ditshwantsho.

1. Go diragalang mo setshwantshong sengwe le sengwe?
2. Ke setshwantsho sefe se se bontshang nonofo e e siameng ya go nna tsala?



## Batho ba kwa sekolong le kwa gae

Rre Anwar ke morutabana kwa sekolong mo Limpopo. Barutwana ba mo rata thata ka gonne ka metlha o pelonomi, o a kgathalela ebile o a reetsa. Mongwe le mongwe ka metlha o ja monate mo tlelaseng ya ga Rre Anwar.

Mafoko a masha

**go tlhoka tlotlo** – go tlhoka maitseo mo bathong

**tlotlo** – go nna pelonomi mo bathong le go latela melao

### Tirwana 4



Dirang ka ditlhopho tsa batho ba le babedi.

1. Ke dikarata dife tse di bontshang go tlotla morutabana le sekolo?
2. Ke dikarata dife tse di bontshang go sa tlotle barutabana le sekolo?

Go thala mo desekeng ya me le mo setulong.

Go fetsa tiro ya sekolo.

Morago ga dituelo tsa sekolo.

Go tlhokela barutabana maitseo.

Go nna bopelonomi mo baneng ba bangwe.

Go dira tiro e ke tshwanetseng go e dira.


Go tlhokela bana ba bangwe maitseo.

Go dumedisa barutabana fa re ba bona.

## Go bontsha tlotlo le go thusa ba bangwe



Re bontsha tlotlo ka go thusa batho ba bangwe



Re tlotla batho ba ba ka tswang ba sa tshwane le rona




Re bontsha tlotlo ka go boloka phaposiborutelo ya rona le magae a rona a le phepa



Re bontsha tlotlo ka go tlhokomela bagolo

### Tirwana 5



Dirang ka ditlhophha tsa batho ba le babedi.


1. Bana ba bontsha batho ba bangwe tlotlo jang?
2. Dira phousetara e na le setshwantsho sa pente se se bontshang tlotlo. Tlhophha nngwe ya dikakantsho tse di mo ditshwantshong tseno kgotsa o ikakanyetse.
3. Bolelela tlelase ka phousetara ya gago.

Ka dinako tse dingwe ga re bontshe batho tlotlo.

Fa seno se diragala, re tshwanetse go ikopela maitshwarelo.

Zac, ka kopo sela pampiri e e fa fatshe?

Ga se pampiri ya me Rre Anwar! Ga ke batle go e sela!



## Tirwana 6

Dira o le esi.




1. A Zac o tlotla Rre Anwar kgotsa ga a mo tlotle?
2. Fa e le gore o ne o le Rre Anwar, a o ne o tla itumelela karabo ya ga Zac?
3. Ke eng se Zac a tshwanetseng go se dira?
4. Dira jaaka eketse o Zac mme o direle Rre Anwar karata.

Se o tshwanetseng go se tsenya mo karateng:

- Kopa tshwarelo mo go Rre Anwar
- Solofetsa Rre Anwar gore ga o kitla o bua le ene ka tsela eo gape
- Thala setshwantsho se se tla dirang gore Rre Anwar a nyenye.

## Tirwana 7



Dira o le esi.

1. Thadisa lebogo la gago mo bukeng ya gago.
2. Kwala ditiro tse tlhano tse o ka di dirang tse di tla thusang le go bontsha ba bangwe tlotlo.
3. Kwala tiro e le nngwe mo monwaneng mongwe le mongwe.



Mafoko a masha

**go kgerisa** – go bua kgotsa go tshwara batho ba bangwe ka bodipa

**go itlotla** – kafa o ikutlwang ka teng ka wena



**Nako ya go batlisisa**

Fa e le gore o thusitse tsala, a o tshwanetse go solofela gore le yone e go direle sengwe?

## Go kgerisiwa le go itlotla

**Go Kgerisiwa** ke fa motho a le pelo e maswe mo go yo mongwe go se na lebaka.

Fa batho ba kgerisiwa, go dira gore ba se ka ba ikutlwa sentle ka bobone.

Kafa re ikutlwang ka teng ka rona go bidiwa **go itlotla**.

### Tirwana 8



Dirang ka ditlhopha tsa batho ba le babedi.

1. Go diragalang mo setshwantshong se?
2. O ne o tla ikutlwa jang fa ngwana yo mongwe a ne a ka go dira seno?
3. Ke mang yo o ka re thusang fa re kgerisiwa?
4. Re ka dira jang gore batho ba ikutlwe sentle ka bone?



## Tirwana 9



Dirang lo le sethlopha.

Kwala melaetsa e e tlmaganeng.

O tla tlhoka:

- Pampiri ya A4 ya mmala o sele
- Dipene tsa mmala
- Sekere
- Seteipolara



Ditaelo:

1. Sega dipampiri tsa mmala go nna dikarolwana di le 5.
2. Naya moithuti mongwe le mongwe karolwana e le nngwe.
3. Moithuti mongwe le mongwe o tshwanetse go tlopha kafa tlase fano:
  - Tsela e le nngwe ya go thibela go kgerisa
  - Tsela e le nngwe ya go bontsha ba bangwe tlotlo.
4. Menang karolwana nngwe le nngwe go e dira mogolagang. Dirisang seteipolara go kopanya megolagang eno gore lo dire ketane.
5. Kgabisa phaposi ya borutelo ka megolagang ya melaetsa.

## A re bone

1. Bolela dinonfofo di le tharo tse tsala e e molemo e tshwanetseng go nna le tsone.
2. O ka bontsha jang gore o tlotla ba bangwe?
3. Tlhophha lefoko le le siameng: Go kgerisa go dira gore batho ba ikutlwe (**sentle/ba se monate**) ka bone.
4. O ka emisa jang go kgerisa mo lebaleng la motshameko?




# Setlhogo 3 Mongwe le Mongwe o kgethegile



## A re simolole

Leba ditshwantsho.

1. Ke eng se se dirang gore batho ba ba mo ditshwantshong tseno e nne ba ba kgethegileng?
2. Ke eng se se go dirang yo o kgethegileng?
3. Ke eng se se dirang gore ditsala tsa gago e nne tse di kgethegileng?



## Nako ya go batlisisa

Re na le dikgatisomenwana tse di farologaneng.

Dirang ka ditlhopha tsa batho ba le babedi.

1. Penta ntlha ya monwana ya gago ka pente ya metsi o bo o tobetsa mo pampiring ka one.
2. Leba kgatisomonwana ya gago ka kelotlhoko le kgatisomonwana ya tsala ya gago.
3. A di a tshwana?



Mafoko a masha

### kgethegileng –

sengwe se se re farologanyang le batho ba bangwe

### kgatisomonwana

– thulaganyo ya matshwao a a mo dintlheng tsa menwana ya gago

# Dilo tse di tshwanang le tse di farologaneng ka batho

## Tirwana 1



Dira o le esi.

Nna o tsamaye mo phaposing ya borutelo mme o batle dilo tse di **tshwanang** le **tse di farologaneng** gareng ga gago le baithutimmogo le wena.

1. Batla motho yo o ipaakantseng moriri jaaka wena.
2. Batla motho yo o tshamekang motshameko o o farologaneng le wa gago.
3. Batla motho yo o rwalang digalase tsa matlho.
4. Batla motho yo o lekanang le ene ka boleele.

**tshwanang** – dilo tse di tshwanang.

**farologaneng** – dilo tse di sa tshwaneng.

**braai** – go besa nama


**melkert** – phuding ya Aforika Borwa ya pheisetere e e sukiri

Mafoko a masha

Malapa a bo Lilanie le Entle ba rata go nna mmogo. Ba ithutile gore bamalapa a bone ba ka nna ba bo ba sa tshwane, mme fela ba na le dilo di le dintsi tse ba tshwanang ka tsona.



## Tirwana 2




Dirang ka ditlhopha tsa batho ba le babedi.

1. Bolela puo e e buiwang ke Lilanie.
2. Wena o bua puo efe?
3. Ke dilo dife tse di mo tafoleng tse o ratang go di ja?


## Dilo tse di thusang batho

### Tirwana 3



Dirang ka ditlhopha tsa batho ba le babedi.


Dilo tseno di thusa batho jang?



Digalase tsa matho tsa go bala le go bona dilo di le kgakala.



Seikokotlelo se se dirisiwang go tsamaya.



Ntša e e kaelang le thobane e tshweu.



Dithusakutlo.




## Nako ya go batlisisa

Batlisisa kaga Ma-Aforika Borwa a a atlegileng a a nang le bogole. Dirisa makwalodikgang, dimakasine kgotsa Inthanete go go thusa.

Abelana se o se boneng le ba bangwe mo phaposing.

### Tirwana 4



Dirang ka ditlhopha tsa batho ba le babedi.

#### Motshameko wa go bipa matlho

O tla tlhoka:

- Letsela le le bipang matlho
  - Bolo ya tenese kgotsa thobane
1. Bipa molekane wa gago matlho. Tlhomamisa gore a se ka a bona sepe.
  2. Baya bolo ya thenese kgotsa thobane go sele gore molekane wa gago a e batle.
  3. Ema le molekane wa gago yo o mmipileng matlho.
  4. Bolelela molekane wa gago gore a tsamaele kae go tsaya bolo ya thenese le thobane. Mo neye ditaelo.

## Go tlhokomela batho ba ba nang le bogole

Bala kgang ya ga Lina. Lina ke mosetsana wa dingwaga di le 8 yo o tsamayang ka setulo sa maotwana ka gonne ga a kgone go tsamaya. O fudugetse kwa sekolong se sesha kwa a tshwanelang go dirisa mapalamelo gore a tsene mo tlelaseng. Ka dinako tse dingwe Lina o nna mo tlelaseng ka nako ya go ikhutsa ka gonne a lapile thata go ka dirisa mapalamelo. Go thata gore Lina a dire ditsala ka gonne o nna a le nosi mo tlelaseng.



### Tirwana 5



Dira o le esi.

1. Fa Lina a ne a le mo tlelaseng ya gago, o ne o ka mo thusa jang?
2. A Lina o tshwanetse go nna a le nosi ka nako ya go ikhutsa? Goreng?
3. O ne o ka ikutlwa jang fa e le gore o ne o nna o le nosi ka nako ya go ikhutsa?

Mafoko a masha

**bogole** – fa o sa kgone go dirisa karolo ya mmele wa gago

**mokgokolosa** - karolo e e fologelang ya boalo e e dirang gore go nne motlhofo gore batho ba kgarametse ditulo tsa bone tsa maotwana mo go jone go na le go dirisa ditepisi.




## Tirwana 6

Jayden o na le tsala, Kiara yo o sa kgoneng go utlwa sentle. Kiara o kgona go utlwa fa batho ba bua fa a dirisa dithusakutlo. Dinako dingwe Kiara o dirisa puo ya diatla go bua le batho.

Dirang ka ditlhopha tsa batho ba le babedi.

Leba ditshwantsho tse di fa tlase.

Jayden le Kiara ba bua jang?



Mafoko a masha

**sethusakutlo** – selo se o se tsenyang kafa morago ga tsebe se se go thusang go utlwa

**puo ya diatla** – go dirisa diatla le dikarolo tse dingwe tsa mmele go bua

## Nka kgona go nna mogaka

### Tirwana 7



Dirang ka ditlhopha tsa batho ba le babedi.

1. Mogaka ke eng?
2. A o tshwanetse go nna mogolo gore o nne mogaka?
3. O ka kgona go nna mogaka jang gone jaanong?

### Tirwana 8



Dira o le esi.

Leba ditshwantsho.

O ka nna mogaka jang?



Nka nna mogaka ka \_\_\_\_\_.



Nka nna mogaka ka \_\_\_\_\_.



Nka nna mogaka ka \_\_\_\_\_.

**mogaka** – motho yo o dirang kgotsa yo o buang dilo tse di thusang batho ba bangwe

Lefoko le  
lesha